

l. c. eodem nomine descripta. Quae hic referto spectant specimina ex Bandâ et Ceramî magnâ. — Petioli $\frac{1}{2}$ —2 poll. Folia $6\frac{1}{2}$ —14 poll., 2— $5\frac{1}{2}$ poll. lata, utroque latere venis circiter 15 ad plus 20 transversalibus parallelis ad margines arcuato-connexis, supra atroviridia, subtus grisea, siccando supra obscure rufescens, licet venis et imprimis nervo marginali pallidioribus, subtus ex palea fuscescente-gilva. Panicula mascula spithamea, a basi inde ramosa; ramis subalternis, patentibus; infimis 3— $3\frac{1}{2}$ poll. longis, in spiculas breves divisis, superioribus sensim minoribus, spicas interrumpentes glomerulatas efficientibus. Paniculae femineae multo breviores. Nubes late-obcordatae, hinc magis gibbae, compressiusculae. — In Bandâ aliisque Moluccis.

429. *Semecarpus Forstenii* BL.: foliis ellipticis utrinque acutis v. apice obtusis coriaceis glabris; paniculâ effusa. — *Cassuvium Silvestre* RUMPH. *Herb. Amb.* I. p. 179 (ex parte!) — *Lau Lassi Ternatensis*. — A *S. Cassuvio* SPR. foliis pro ratâ parte latoribus venis minus numerosis, ac paniculâ masculâ magis effusa differt. — Videtur haec Species ex Ternate a RUMPHIO l. c. p. 180 jam commemorata, ligno rubente et universe indole acerrimâ et perquam noxiâ insignis, ut eo auctore vel aqua pluvialis de foliis destillans tantâ sit acrimoniam, ut ubi corpus tetigerit, cutis inde intumescat et quasi aduratur. Petioli $\frac{1}{2}$ — $1\frac{1}{2}$ poll., ut in reliquis omnibus Speciebus ad basin sensim crassiores. Folia $4\frac{1}{2}$ —9 poll., $2\frac{1}{2}$ — $4\frac{1}{2}$ poll. lata, floralia multo minora, undulata, subinaequilatera, utrinque venis circiter 11 ad 15 transversis subparallelis, coriacea, rigidiuscula, siccando adultiora in pagina superiore in colorem olivaceum, juniora in magis obscure fuscum melino intermixtum, in dorso ex glauco palea fusca abeuntia. Paniculae masculae e foliorum axillis superioribus in paniculam communem terminalem satis amplam patentissimam conjunctae. Flores masculi in ramulis spicaeformibus glomerulati. — A divo FORSTEN in Moluccis in sylvis Ternatanis collecta.

430. *Semecarpus Roxburghii* BL.: foliis oblongo-lanceolatis utrinque acutis v. acuminatis coriaceis glabris; paniculae ramis patentibus. — An *S. Cassuvium* (haud SPR.!) ROXB. in WIGHT *Icon.* 559? — Folia texturâ magis coriacea venisque lateribus minus numerosis, quam *S. Cassuvii* SPR. — Folia in petiolis $\frac{1}{2}$ —1 poll. longis, vulgo 10—14 poll. longa, $2\frac{1}{2}$ — $3\frac{1}{2}$ poll. lata, nonnulla minora, utroque latere venis circiter 11—13 lateralibus patentibus in margine arcuato conjunctis, supra nitida et siccando magis minusve obscure fusca, subtus e fuso gilva. Paniculae terminales et e superiorum foliorum axillis, modo satis elongatae et ferme spithameae, modo abbreviatae neque raro plures in corymbum terminalem congestae, fusco-velutinac. — In Archipelago indico.

431. *Semecarpus longifolia* BL.: foliis (maximis) cuneato-oblongis acuminatis coriaceis glabris; racemis paniculatis terminalibus. — *Holigarna longifolia* SPAN. (haud ROXB.!) in LINNAEÂ XV. p. 188. N°. 203. — Non, ut putaverat div. SPANOGNE, *Holigarnae*, sed reverâ *Semecarpi* Species, ob calyccem non ovario adnatum, cuius basis, ut in aliis Speciebus, simul cum toro innato sub ovario